

永樂北藏

永樂北藏



永

樂

北

藏

趙樸初題



永樂北藏第一三〇冊目錄

○佛所行贊經	五卷	北凉曇無讖譯 (典一—五)		一
○僧伽羅刹所集佛行經	五卷	苻秦僧伽跋澄譯 (典六—十)		一六五
○法句譬喻經	四卷	西晉法炬共法立譯 (亦一—四)		二九五
○菩提行經	四卷	宋天息災譯 (亦五—六)		四三五
○金剛頂一切如來真實攝大乘現證大教王經	二卷	唐不空譯 (亦七—八)		四九三
○文殊菩薩及諸仙所說吉凶時日善惡宿曜經	二卷	唐不空譯 (亦九—十)		五四三
○僧伽斯那所撰菩薩本緣經	四卷	吳支謙譯 (聚一—四)		五九九
○那先比丘經	三卷	失譯人名附東晉錄 (聚五—七)		六七九
○舊雜譬喻經	二卷	吳康僧會譯 (聚八—九)		七五一
○禪要訶欲經	一卷	失譯人名附後漢錄 (聚十)		八〇五
○內身觀章句經	一卷	失譯人名附後漢錄 (聚十)		八一〇
○法觀經	一卷	西晉竺法護譯 (聚十)		八一四
○迦葉結經	一卷	後漢安世高譯 (聚十)		八二一
○百喻經	二卷	蕭齊求那毗地譯 (群一—二)		八三五

佛所行讚經卷第一

馬

鳴

善

薩

撰

典一

北涼天竺三藏曇無讖譯

生品第一

甘蔗之苗蒙

釋迦無勝王

淨財德純備

名故曰淨飯

羣生樂瞻仰

猶如初生月

王如天帝釋

夫人猶舍脂

執志安如地

心淨若蓮華

假譬名摩耶

其實無倫比

於彼像天后

降神而處胎

母悉離憂患

不生幻偽心

默惡誼諱俗

樂處空閑林

藍毗尼勝園

流泉華果茂

寂靜樂禪思

啓王請遊彼

王知其志願

而生奇特想

勅内外眷屬

俱詣彼園林

爾時摩耶后

自知產時至

偃寢安勝牀

百千嫫女侍

於四月八日

時和氣調適

齋戒修淨德

菩薩右脇生

大悲救世間

不令母苦惱

優留王股坐

卑偷王手生

曼陀王頂生

伽叉王腋生

菩薩亦如是

誕從右脇生

漸漸從胎出

光明普照耀

如從虛空墮

不由於生門

修德無量劫

自知生不亂

永樂北藏

佛所行經

第一三〇册

安諦不傾動	明顯妙端嚴	晃然從胎現
猶如日初昇	觀察極明耀	而不害眼根
縱視而不耀	如觀空中月	自身光照耀
如日奪燈明	菩薩真金身	普照亦如是
正直心不亂	安詳行七步	足下安平跣
炳徹猶七星	獸王師子步	觀察於四方
通達真實義	堪能如是說	此生為佛生
則為後邊生	我唯此一生	當度於一切
應時虛空中	淨水雙流下	一溫一清涼
灌頂令身樂	安處寶宮殿	卧於瑠璃牀

天王金華手	捧持牀四足	諸天於空中
執持寶蓋侍	承威神讚歎	勸發成佛道
諸龍王歡喜	渴仰殊勝法	曾奉過去佛
今得值菩薩	散曼陀羅華	專心樂供養
如來出興世	淨居天歡喜	已除愛欲歡
為法而欣悅	衆生沒苦海	令得解脫故
須彌寶山王	堅持此大地	菩薩出興世
功德風所飄	普皆大震動	如風鼓浪舟
栴檀細末香	衆寶蓮華藏	風吹騰空流
繽紛而亂墜	天衣從空下	觸身生妙樂

日月如常度	光耀倍增明	世界諸火光
無薪自燄熾	淨水清涼井	前後自然生
中宮姝女衆	怪歎未曾有	競赴而飲浴
皆起安樂想	無量部多天	樂法悉雲集
於藍毗尼園	遍滿林樹間	奇特衆妙華
非時而敷榮	兇暴衆生類	一時生慈心
世間諸疾病	不療自然除	亂鳴諸禽獸
寂然而無聲	萬川皆停流	濁水悉澄清
空中無雲翳	天鼓自然鳴	一切諸世間
悉得安隱樂	猶如荒難國	忽得賢明主

菩薩所以生	爲濟世衆苦	唯彼魔天王
獨憂而不悅	父王見生子	奇特未曾有
素性雖安重	驚駭改常容	自慮交心胃
一喜復一懼	夫人見其子	不由常道生
女人性怯弱	怵惕懷永炭	不別吉凶相
反更生憂怖	長宿諸母人	互亂祈神明
各請常所事	願令太子安	時彼林中有
知相婆羅門	威儀具多聞	才辯高名稱
見相心歡喜	踴躍未曾有	知王心驚怖
白王以真實	人生於世間	唯求殊勝子

永樂北藏

佛所行贊經

第一三〇冊

王今如滿月	應生大歡喜	今生奇特子
必光顯宗族	安心自欣慶	莫生餘疑慮
靈祥集家國	從今轉興盛	所生殊勝子
必為世間救	惟此上士身	金色妙光明
如是殊勝相	必成等正覺	若令樂世間
必作轉輪王	普為大地主	勇猛正法治
王領四天下	統御一切王	猶如世光明
日光為最勝	若處於山林	專心求解脫
成就實智慧	普照於世間	譬若須彌山
諸山中之王	眾寶金為最	眾流海為最

諸星月為最	諸明日為最	如來處世間
兩足中為尊	淨目脩且廣	上下瞬長睫
瞪矚紺青色	猶如半月形	此相云何非
平等殊勝因	時王告二生	若如汝所說
如此奇特相	以是因緣故	不應於先王
乃現於我世	婆羅門白王	不應如是說
多聞與智慧	名稱及事業	如是四事者
不應顧先後	物性之所生	各從因緣起
今當說諸譬	王今且諦聽	毗求央耆羅
此二仙人族	經歷久遠世	各生殊勝子

毗利訶鉢低	及與憐迦羅	能造帝王論
不從先族來	薩羅薩仙人	經論久斷絕
而生婆羅婆	續復明經論	現在知見生
不必由先緒	毗耶婆仙人	多造諸經論
末後胤跋彌	廣集偈章句	阿低利仙人
不解醫方論	後生阿低離	善能治百病
二生駒尸仙	不閑外道論	後伽提那王
悉解外道法	甘蔗王始族	不能制海潮
至婆伽羅王	生育千王子	能制大海潮
使不越常限	闍那駒仙人	無師得禪道

凡得名稱者	皆生於自力	或先勝後劣
或先劣後勝	帝王諸神仙	不必承本族
是故諸世間	不應顧先後	大王今如是
應生歡喜心	以心歡喜故	永離於疑惑
王聞仙人說	歡喜增供養	我今生勝子
當紹轉輪位	我年已朽邁	出家修梵行
無令聖王子	捨世遊山林	時近處園中
有苦行仙人	名曰阿私陀	善解於相法
來詣王宮門	王謂梵天應	苦行樂正法
此二相俱現	梵行相具足	時王大歡喜

永樂北藏

佛所行贊經

第一三〇冊

即請入宮內 恭敬設供養 將入內宮中
唯樂見王子 雖有姝女衆 如在空閑林
安處正法座 加敬尊奉事 如安低牒王
奉事波尸吒 時王白仙人 我今得大利
勞屈大仙人 辱來攝受我 諸有所應爲
唯願垂教勅 如是勸請已 仙人^五大歡喜
善哉常勝王 衆德悉皆備 愛樂來求者
惠施崇正法 仁智殊勝族 謙恭善隨順
宿植衆妙因 勝果見於今 汝當聽我說
今者之因緣 我從日道來 聞空中天說

言王生太子 當成正覺道 并見先瑞相
今故來到此 欲觀釋迦王 建立正法幢
王聞仙人說 決定離疑網 命持太子出
以示於仙人 仙人觀太子 足下千輻輪
手足網縵指 眉間白毫峙 馬藏隱密相
容色燄光明 見生未曾相 流淚長歎息
王見仙人泣 念子心戰慄 氣結盈心曾
驚悸不自安 不覺從座起 稽首仙人足
而白仙人言 此子生奇特 容貌極端嚴
天人殆不異 當爲人中上 何故生憂悲

將非短壽子	生我憂悲乎	久渴得甘露
而復反棄乎	將非失財寶	喪家亡國乎
若有勝子存	國嗣有所寄	我死時心悅
安樂生他世	猶如人兩目	一眠而一覺
莫如秋霜華	雖敷而無實	人於親族中
愛深無過子	宜時為記說	今我得穌息
仙人知父王	心懷大憂懼	即告言大王
王今勿恐怖	前已語大王	慎勿自生疑
今相猶如前	不應懷異想	自惟我年暮
不及故悲泣	今我臨終時	此子應世王

為盡生故生	斯人難得遇	當捨聖王位
不著五欲境	精勤修苦行	開覺得真實
常為諸羣生	滅除癡冥障	於世永熾燃
智慧日光明	衆生沒苦海	衆病為聚沫
衰老為巨浪	死為海洪濤	乘輕智慧舟
度此衆流難	智慧泝流水	淨戒為傍岸
三昧清涼池	正受衆奇鳥	如此甚深廣
正法之大河	渴愛諸羣生	飲之以穌息
深著五欲境	衆苦所驅迫	迷生死曠野
莫知所歸趣	菩薩出世間	為通解脫道

永樂北藏

佛所行贊經

第一三〇册

世間貪欲火	境界薪熾然	興發大悲雲
法雨雨令滅	癡闇門重扉	貪欲爲開鑰
閉塞諸羣生	出要解脫門	金剛智慧鋸
拔恩愛逆毛	愚癡網自纏	窮苦無所依
法王出世間	能解衆生縛	王莫以此子
自生憂悲患	當憂彼衆生	著欲違正法
我今老死壞	遠離聖功德	雖得諸禪定
而不獲其利	於此菩薩所	竟不聞正法
身壞命終後	必生三難天	王及諸眷屬
聞彼仙人說	知其自憂歎	恐怖悉已除

生此奇特子	我心得大安	出家捨世榮
修習仙人道	不紹國嗣位	復令我不悅
爾時彼仙人	向王真實說	必如王所慮
當成正覺道	於王眷屬中	安慰衆心已
自以已神力	騰空而遠逝	爾時白淨王
見子奇特相	又聞阿私陀	決定真實說
於子心敬重	倍護兼常念	大赦於天下
牢獄悉解脫	世人生子法	隨宜取捨事
依諸經方論	一切悉皆爲	生子滿十日
安隱心已泰	普祠諸天神	廣施於有道

沙門婆羅門	咒願祈告福	親族諸羣臣
及國中貧乏	村城姝女衆	牛馬象錢財
各隨彼所須	一切皆給與	卜擇選良時
遷子還本宮	二飯白淨牙	七寶莊嚴輿
雜色諸瓊瑤	明艷極光澤	夫人抱太子
周帀禮天神	然後昇寶輿	姝女衆隨侍
王與諸臣民	一切俱導從	猶如天帝釋
諸天衆圍繞	如摩醯首羅	忽生六面子
設種種衆具	供給及請福	今王生太子
設衆具亦然	毗沙門天王	生那羅鳩婆

一切諸天衆	皆悉大歡喜	王今生太子
迦毗羅衛國	一切諸人民	歡喜亦如是
處宮品第二		
時白淨王家	以生聖子故	親族名子弟
羣臣悉忠良	象馬寶車輿	國財七寶器
日日轉增勝	隨應而集生	無量諸伏藏
自然從地出	清淨雪山中	兇狂羣白象
不呼自然至	不御自調伏	種種雜色馬
形體極端嚴	朱髦纖長尾	超騰駿若飛
朝野之所生	應時自然至	純色調善牛

肥壯形端正 平步淳香乳 應時恣雲集
怨憎者心平 中平益淳厚 素篤者親密
亂逆悉消除 微風隨時雨 雷霆不震裂
種植不待時 收實倍豐熟 五穀鮮香美
輕輒易消化 諸有懷孕者 身安體和適
除受四聖種 諸餘世間人 資生各自如
無有他求想 無慢無慳嫉 亦無恚害心
一切諸士女 玄同劫初人 天廟諸寺舍
園林井泉池 皆如天上物 應時自然生
無有饑餓者 刀兵疾疫息 國中諸人民

親族相愛敬 法愛相娛樂 不生染汙欲
以義求財物 無有貪利心 為法行惠施
無求反報想 修習四梵行 滅除恚害心
過去摩菟王 生日光太子 舉國蒙吉祥
衆惡一時息 今王生太子 其德亦復爾
衆德義備故 名悉達羅他 時摩耶夫人
見其所生子 端正如天童 衆美悉備足
過喜不自勝 命終生天上 大愛瞿曇彌
見太子天童 德貌世奇特 既生母命終
愛育如其子 子敬亦如母 猶日月火光

從微照漸廣	太子長日新	德貌亦復爾	德盛貌清明	猶梵天長子	舍那鳩摩羅
無價梅檀香	閻浮檀名寶	護身神仙藥	賢妃美容貌	窈窕淑妙姿	瓌艷若天后
瓔珞莊嚴身	附庸諸隣國	聞王生太子	同處日夜歡	為立清淨宮	宏麗極莊嚴
奉獻諸珍異	牛羊鹿馬車	寶器莊嚴具	高峙在虛空	猶如秋白雲	溫涼四時適
助悅太子心	雖有諸嚴飾	嬰童玩好物	隨時擇善居	妓女衆圍繞	奏合天樂音
太子性安重	形少而心宿	心棲高勝境	勿憐穢聲色	今生猷世想	如天捷撻婆
不染於榮華	修學諸術藝	一聞超師匠	自然寶宮殿	樂女奏天音	聲色耀心目
父王見聰達	深慮踰世表	廣訪名豪族	菩薩處高宮	音樂亦如是	父王為太子
風教禮義門	容姿端正女	名耶輸陀羅	靜居修純德	仁慈止法化	親賢遠惡友
應聘太子妃	誘導留其心	太子忘高遠	心不染恩愛	於欲起毒想	攝情檢諸根

美一

九

滅除輕躁意	和顏善聽說	慈教馱衆心	以德降怨敵	調一而護七	離七防制五
宣化諸外道	斷諸謀逆術	教學濟世方	得三覺了三	知二捨於二	求情得其罪
萬民得安樂	如今我子安	萬民亦如是	應死垂仁恕	不加羸惡言	輟言而教勅
事火奉諸神	又手飲月光	恒水沐浴身	矜施以財物	指授資生路	受學神仙道
法水澡其心	祈福非存己	唯子及萬民	滅除怨恚心	名德普流聞	世界永消亡
愛語非無義	義言非不愛	愛言非不實	主匠修明德	率土皆承習	如人心安靜
實言非不愛	以有慚愧故	不能如實說	四體諸根從	時白淨太子	賢妃耶輸陀
於愛不愛事	不依貪恚想	志存於寂嘿	年並漸長大	孕生羅睺羅	白淨王自念
平心止諍訟	不以祠天會	勝於斷事福	太子已生子	遺嗣相紹續	正化無終極
見多求衆生	豐施過其望	心無戰爭想	太子既生子	愛子與我同	不復慮出家

但當力修善	我今心太安	無異生天樂
猶若劫初時	仙王所住道	受行清淨業
祠祀不害生	熾然修勝業	王勝梵行勝
宗族財寶勝	勇健技藝勝	明顯照世間
如日千光耀	所以為人王	正為顯其子
顯子為宗族	榮族以名聞	名高得生天
生天樂為已	已樂智慧增	悟道弘正法
先勝多聞所	受行衆妙道	唯願令太子
愛子不捨家	一切諸國王	生子年尚小
不令王國土	慮其心放逸	縱情著世樂

不能紹王種	今王生太子	隨心恣五欲
唯願樂世榮	不欲令學道	過去菩薩王
其道雖深固	要習世榮樂	生子繼宗嗣
然後入山林	修行寂嘿道	
猷患品第三		
外有諸園林	流泉清涼池	衆雜華果樹
行列垂玄蔭	異類諸奇鳥	奮飛戲其中
水陸四種華	馥色流妙香	妓女因奏樂
弦歌告太子	太子聞音樂	歎美彼園林
內懷甚踴悅	思樂出遊觀	猶如繫狂象

永樂北藏

佛所行贊經

第一三〇册

常慕閑曠野 父王聞太子 樂出彼園遊
即勅諸羣臣 嚴飾備羽儀 平治王正路
并除諸醜穢 老病形殘類 羸劣貧窮苦
無令少樂子 見起厭惡心 莊嚴悉備已
啓請求拜辭 王見太子至 摩頭瞻顏色
悲喜情交結 口許而心留 衆寶軒飾車
結駟駿平流 賢良善術藝 年少美姿容
妙淨鮮華服 同車爲執御 街巷散衆華
寶縵蔽路傍 垣樹列道側 寶器以莊嚴
繒蓋諸幢幡 繽紛隨風颺 觀者俠長路

側身目運光 瞪矚而不瞬 如並青蓮華
臣民悉扈從 如星隨宿王 異口同聲歎
稱慶世希有 貴賤及貧富 長幼及中年
悉皆恭敬禮 唯願令吉祥 郭邑及田里
聞太子當出 尊卑不待辭 寤寐不相告
六畜不遑收 錢財不及歛 門戶不容閉
奔馳走路傍 樓閣堤塘樹 窓牖衢巷間
側身競容目 瞪矚觀無厭 高觀謂投地
步者謂乘虛 意專不自覺 形神若雙飛
度度恭形觀 不生放逸心 圓體肅支節